



PROCESVERBALI

Mbledhja e Këshillit Komunal për Siguri në Bashkësi (KKSBB) në Rahovec, e mbajtur më **19.05.2022** me fillim në ora **15.30**. Mbledhjen e kryesoi Kryetari Komunës **Smajl Latifi**: Kuorum për mbajtjen e mbledhjes kemi.

Kryetari- Më lejoni t'i përshëndes të gjithë anëtarët e KKSBB, përshëndes nënkryetarin e komunës, Fatmir Iska, drejtorët e drejtorive, komandantin e stacionit të policisë në Rahovec z. Fazli Morina, përfaqësuesit e bashkësive fetare, përfaqësuesit e mediave dhe gjithë të pranishmit e tjerë që janë prezent në sallë. Është mbledhja e tretë e rregullt e Këshillit Komunal për Siguri në Bashkësi. Përpara e keni një rend dite i cili buron nga plani vjetor i punës për vitin 2022 i cili është aprovuar edhe në Kuvendin e Komunës. Për këtë mbledhje propozoj këtë:

Rend Dite

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Shqyrtimi i dukurive negative, me theks të veçantë trajtimi i objekteve jo të sigurta në Komunën e Rahovecit,
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në Komunën e Rahovecit,
3. Parapërgatitja dhe vetëdijësimi i qytetarëve për parandalimin nga zjarri gjatë sezonit veror;
4. Identifikimi i çështjeve problematike që ndikojnë në sigurinë publike ndëretnike;
5. Të ndryshme.

Kryetari - A ka dikush të shtoj diçka sa i përket rendit të ditës, nëse jo atëherë po e vendosim në votim. Konstatohet se në mënyrë unanime është aprovuar rendi i ditës. Kalojmë në pikën e radhës:

1. Shqyrtimi dhe aprovimi i Procesverbalit nga mbledhja e kaluar:

A ka dikush të shtoj diçka sa i përket procesverbalit nga mbledhja e kaluar, nëse jo atëherë e qes në votim: Konstatohet se në mënyrë unanime është aprovuar procesverbali nga mbledhja e kaluar. Kalojmë në pikën e dytë të rendit të ditës:

2. Vlerësimi i përgjithshëm i gjendjes së sigurisë në territorin e Komunës së Rahovecit.

Kryetari – Do t'i dëgjojmë me vëmendje informacionet dhe njoftimet që do të jep komandanti i stacionit të policisë, kapiteni Fazli Morina dhe pastaj mund të futemi në debat. Në përgjithësi situata sipas asaj që ne jemi në dijeni gjendjeje në komunën e Rahovecit është stabile dhe e qëndrueshme. Unë po e hapi

debatin dhe ia kaloj fjalën kapitenit Fazli Morina dhe besoj që ai ka shumëçka për të thënë dhe ndodhitë ndërmjet dy mbledhjeve të KKSB-së.

Fazli Morina – Përshëndetje për të gjithë të pranishmit, të nderuar do ju paraqes një raport të shkurtër rreth sigurisë së përgjithshme për periudhën 21 mars – 18 Maj. - Gjatë periudhës raportuese Situata e sigurisë në Komunën e Rahovecit ka qenë e qetë dhe stabile. Gjatë kësaj periudhe, në S.P. Rahovec janë regjistruar gjithsejtë: 98 Raste vepra penale , 9 incidente jo penale. Nga këto raste mund të veçojmë disa vepra më të rënda: Vjedhje, 10 raste, vjedhje të rënda, 10 raste, dhunë në familje, 13 raste, armë mbajtje pa leje, 05 raste. Lidhur me rastet e cekura, nga njësitet kompetente në kuadër të stacionit policor në Rahovec dhe Hetimeve Rajonale në Gjakovë, janë ndërmarr të gjitha veprime e nevojshme. Sa i përket Sigurisë në komunikacionin rrugor, nga S.P. Rahovec vazhdon të implementohet P.O “Siguria në trafikun rrugor”, ku në kuadër të këtij plani gjatë periudhës raportuese nga patrullat policore të S.P. Rahovec, janë shënuar: 1287 Gjoka në trafik, 3 kundërvajtje PRQP. Siguria në shkollë, gjatë periudhës raportuese, në kuadër të planit vjetor dhe agjendës planifikimit mujor të S.P. Rahovec për prezantime në shkollë, janë mbajtur disa aktivitete vetëdijësuese preventive përmes mbajtjes së ligjëratave për nxënësit e klasave prej III-IX, me temat „Bullizmi dhe masat parandaluese“ ‘Siguria e qarkullimit të këmbësorve në trafik’, “Parandalimi i nxitjes për krime të urrejtjes” dhe “Parandalimi i ekstremizmit dhe radikalizmit të dhunshëm“ ku janë përfshirë rreth 1000 nxënës nga 16 shkollë fillore të komunës sonë. Këto aktivitete do të zhvillohen në vazhdimësi, për çdo muaj me prezantimin e temave të ndryshme sipas planit vjetor. Sa i përket rasteve në shkollë, gjatë periudhës raportuese, në shkollat e zonës tonë të përgjegjësisë, nuk është raportuar asnjë rast. Ju faleminderit për vëmendje, nëse keni ndonjë pyetje jam këtu për të ju përgjigjur.

Kryetari – Faleminderit komandant, e hapim debatin rreth gjendjes së përgjithshme të sigurisë në territorin e komunës së Rahovecit, me siguri keni ndonjë koment rreth asaj që tha komandanti i stacionit policorë.

Egzon Hamza – përfaqësues i komunitetit egjiptian. I nderuar kryetar, javë më parë iu kam informuar që lagja jonë rr.”Sylejman Kollari” e gjitha është në errësirë që prej natës së Bajramit, gjithashtu kam kontaktuar edhe me z.Përparimin. Kam kërkesë prej banorëve të iu parashtrij publikisht pyetjen dhe të na tregoni problemin se çka po ndodh me atë ndriçim edhe pse z.Lendrit Qelit i kanë thënë qytetarët se ndriçimi nuk funksionon, por përgjigja e tij ishte që keku qëllimisht e ka ndaluar. Nuk e di a është problemi te kompania përkatëse apo te keds, mirë kishte me qënë që si i pari i komunës që jeni, të na jepni një përgjigje. Publikisht si anëtar i këshillit të sigurisë kërkoj që sa më shpejtë me mundësi të rikthehet ndriçimi publik në atë pjesë të lagja Sylejman Kollari deri te kisha serbe, sepse duke marrë parasysh që është kohë vape, aty mblidhen njerëzit d.m.th frekuentohet shumë dhe ekziston frika që mund të vie te ndonjë kacafytyje, përlëshje apo krim i organizuar, gjithashtu edhe policia është në dijeni sepse ajo lagje është mjaftë e njohur për policinë.

Fadil Sylka – Përshëndetje për të gjithë, desha të kyçem rreth organizimit të fundviteve të maurantëve. Mendoj që organizimi i maturës duhet të mbahet në një lokal sa më afër e jo ato të largëta. Nëse arrihet ky qëllim, gjithashtu të organizohet transporti me autobus dhe jo me vetura sepse ka maurant pa patent shofer që kur të kthehet mund të jetë në ndikim të alkoolit gjë që mund të ndodh ndonjë aksident, pikërisht ta evitojmë këtë gjë dhe ta bëjmë organizimin me autobus nën kontroll të profesorëve.

Bujar Morina – desha të bej një kërkesë apo apel në drejtorinë e arsimit, kisha pas kërkesë që organizata “Syri” e romëve, ashkalinjëve dhe egjiptianëve të mos ketë më aktivitete nëpër shkollat tona, duke parë rastin e para 2-3 dite i cili ndodhi në Pejë duke diskriminuar fëmijët e komuniteti RAE që të mos vie puna të ndodh edhe në komunën tonë, sepse ajo paralele që ndahet veç mund të ketë edhe pasoja, racizëm dhe diskriminim. Para një muaji duke kaluar afër shkollës tonë “Katër dëshmorët” një fëmijë i moshës 10 vjeqare i tha fëmijës së komunitetit egjiptian që ju e keni klasën e juaj dhe kjo me të vertetë është bullizëm dhe diskriminim për këtë arsye për mendimin tim është mirë që kjo organizatë të mos ketë aktivitete në shkollat që është duke mbajtur mësim.

Erseka Cana – të nderuar të pranishëm, i nderuar kryetar i komunës Smajl Latifi, une si kryetare e këshillit të prindërve në nivel komunal, pas dy mbledhjeve në ministrinë e arsimit në përzgjedhjen e bordit të anëtarësisë të këshillit të prindërve në nivel regional dhe në nivel shtetëror, diskutuam se si po rrjedhë

puna në angazhimin në nivel komunal, aty raportova që kam mbështjete nga DKA dhe të anëtarëve të tjerë që e përbëjnë këshillin e prindërve në nivel komunal. Gjatë diskutimit me kolegë tjerë që veprojnë e jetojnë në komuna tjera e që janë anëtarë të KKSBB-së, kuptova që një pjesë e madhe e tyre nuk mbajnë mbledhje të rregullta si ne që i organizojmë me rregull në komunën tonë, gjithashtu e theksoj që këshilli i prindërve ka rëndësi shumë të rëndësishme në ndikimin e sistemit dhe cilësisë së arsimit bashkë me angazhimin e komunës dhe DKA-së. Dua të raportoj që kemi mbajtur dy takime në shkollën "Isa Boletini" dhe në qerdhen "Tulipanët". Kryesia së bashku me anëtarët kemi formuar edhe një plan të mbështetur në udhëzimin administrativ dhe në trekëndëshin didaktik. Në plan e kemi të vizitojmë edhe shkollat e tjera të komunës për ta rritur bashkëpunimin me çdo shkollë në komunën tonë dhe poashtu më tutje do të vazhdojmë hartimin e planit dhe do të jemi kontributdhënës në sigurim në shkolla dhe në sigurinë e përgjithshme publike. Duke iu uruar punë të mbarë, faleminderit që më dëgjuat.

Milan Stanojeviq – Për qështjen e pengesave në rrugë, kemi parashtruar kërkesën te z.Përparim Krasniqi, meqë nuk është këtu, po iu drejtohem juve, çfarë keni bërë në këtë drejtim meqë na keni premtuar?

Fazli Morina – kam një kërkesë që e anashkalova, e kam potencuar edhe në takimet e kaluara, është qështja e ceremonive të varrimit në varrezat e qytetit në Rahovec. Hiç më larg se dje ose pardje, me minuta të tërë rruga është e bllokuar, nuk jam kundër kësaj e di që është vdekje dhe situatë e rëndë, mirëpo edhe ky është problem i yni, mos dhashtë zoti të ndodh ndonjë fatkeqësi, çoftë rast shëndetësor, ndonjë e keqe ose zjarr e kemi të pamundur qarkullimin në atë pjesë të rrugës, kështu që duhet të bëjmë një zgjidhje rreth kësaj.

Avni Morina – Përshëndetje për të gjithë anëtarët e KKSBB-së, i nderuar kryetar. Pata dy pyetje që lidhen me aktivitetet e nxënësve dhe të shkollave në komunën tonë, e para ishte rreth organizimit të mbrëmjes së maturës, është udhëzimi administrativ nga ministria e arsimit që e ka rregulluar, mbrëmja e maturës mund të mbahet brenda territorit të komunës. Unë jam në dijeni që para disa viteve janë mbajtur edhe në komunat tjera, si mësimdhënës prej 98-99 që jam, e di që kemi mbajtur në Prizren dhe në Gjakovë, mirëpo prej atëherë vetëm brenda komunës sonë, ndërkaq nuk kemi ndonjë udhëzim tjetër që thotë vetëm brenda vendbanimit duhet të mbahet mbrëmja e maturës. Përderisa nuk kemi udhëzim, nuk kemi të drejtë të iu mohojmë mbajtjen e maturës në Xërxe, në Fortesë apo diku andej në Kramovik apo kudo që është restoranti. Sa i përket përcjelljes, këtë mesazh do ta përcjellim edhe te drejtorët e shkollave dhe te këshilli drejtues i shkollave duke inkurajuar edhe këshillin e prindërve për angazhim në këtë drejtim, nëse organizimi i maturës bëhet më larg, atëherë ta praktikojnë shkuarjen dhe kthimin e organizuar.

Ndërsa sa i përket qendrës arsimore, pyetje nga Bujar kushëri. Qendra arsimore në Ratkoc në shkollën "katër dëshmorët" për fëmijët e komunitetit romë ashkalinjë egjiptas është qendër e themeluar me vendimin e ministrisë së arsimit dhe në procesin e themelimit të kësaj qendre na kanë ndihmuar edhe shoqata "Zëri i Romë ashkalinjë egjiptas". Kjo qendër nuk mbanë mësim të rregullt siç mbajnë mësim të gjithë nxënësit e asaj shkolle prej parashkollores deri te klasa e nëntë, por është mësim plotësues-shtesë dhe në atë klasë nuk e kanë të ndaluar të shkojnë edhe nxënësit e komuniteteve shumicë d.m.th. është mësim shtesë që organizohet për fëmijët e të gjitha komuniteteve, prandaj ne nuk mund të dalim kundër një vendim që ka qenë vullnet i përbashkët për të themeluar një qendër arsimore që i dedikohet fëmijëve që mund të kenë nevojë në proceset mësimore. Edhe një specifikë për këtë qendër arsimore është fakti që aty mund të shkojnë nxënësit e të gjitha klasave-moshave, aty janë rreth 25 nxënës të moshave - gjeneratave të ndryshme dhe deri tani nuk kemi hasur në probleme, mund të ketë ndonjë ngacmim të rastit që mund të eliminohet me angazhimin e mësimdhënësve që punojnë aty.

Kryetari – programet që ndikojnë në rritjen e sigurisë në shkolla nga ana e policisë do të vazhdojnë dhe do të ketë aktivitete të ndërthurura me organizata të tjera; S.H.L Kosova por edhe komuna do të bëjë punën e vet në bashkëpunim në mënyrë që të kemi siguri më të madhe nëpër shkolla. Kamerat e sigurisë janë një mekanizëm jashtëzakonisht i rëndësishëm që ndikojnë në rritjen e sigurisë në shkolla. E dëgjuam komandantin që janë duke hartuar planet operative që kanë të bëjnë me grumbullimin e madh të nxënësve në theks të veçantë të maturanëve tani në prag të ekskursioneve dhe maturës, janë qështje që rregullohen në koordinim me policinë, drejtorët e shkollave, organet drejtuese të shkollave të mesme, drejtorinë komunale të arsimit dhe këshillin e prindërve. Kjo qështje u ngrit nga Fadil Sylka dhe besoj që mund të

rregullohet lehtë dhe nuk besoj që ka mungesë përvojë për t'a trajtuar me seriozitet. Pas pandemisë kuptohet që ka një liri më të madhe të lëvizjes, veprimit dhe grumbullimit të njerëzve, ka rritje të organizimeve të ekskursioneve që është shumë normale sidomos pas asaj bllokade ose kufizimeve dy vjeçare shkaku i pandemisë dhe besoj që do të operojmë me sukses në përballimin e këtij "liberalizimi" të qytetarëve.

Tjetër, me "Syri vizion" dhe me "Zërin e romëve ashkalinjëve dhe egjitasve" kemi memorandum mirëkuptimi dhe pavarësisht shqetësimit të ngritur të Bujarit, nuk duhet të paragjykojmë as une e as ti, sepse janë organizata të cilat e ndihmojnë procesin e edukimit, integritit, arsimimit të nxënësve të cilët kanë ngelur mbrapa dhe meqenëse ka ndodh në Pejë do të ndodh edhe te ne, të paktën nuk kemi burim informacioni që do të ndodh edhe te ne. Jemi distancuar të gjithë edhe opinioni publik edhe institucionet dhe këtij solidariteti po i bashkohemi edhe ne në këtë mbledhje të KKS-së, mirëpo unë nuk ç'nënshkruaj memorandume meqenëse ka ndodhur në Pejë e tani të ia ndalojmë aktivitetin te ne. Vazhdon punën "Syri vizion", vazhdon punën qendra arsimore në Ratkoc madje ne jemi duke u mundur ta avansojmë dhe pasurojmë sepse kemi vendim nga DKA dhe ligjet e aplikueshme dhe në fund të ditës e kanë një burim pra kushtetutën e republikës së Kosovës. Te pyetja e Milanit, sa i përket pengesave në rrugë, për hire të punës se madhe që bëjnë policia e e republikës së Kosovës, policia e stacionit në Rahovec që kujdesën për sigurinë dhe rendin publik për të gjithë, pengesave në rrugë nuk duhet ti themi "policë të vdekur", por vetëm pengesa në rrugë. Jemi në prag të lidhjes së kontratës së re, kërkesa për vendosjen e pengesave në rrugë është miratuar dhe së shpejti do ti vendosim në rrugë. Komandanti i stacionit, kapiteni Fazli Morina edhe një herë e ka aktualizuar temën e bllokimit të rrugës gjatë varrimit, kur kemi situata të tilla bllokohet rruga kryesore së paku 20minuta, që është shumë e vërtetë dhe kjo shkakton telashe, jo që skemi rrugë alternative po konfiguracioni i qytetit asisoji që nuk mund të hyjmë në rrugë alternative. Unë jam pro shqyrtimit, jam dakord që funerali dhe njerzit që shkojnë për respekt të vdekurit ta gjejnë mundësinë e një rruge tjetër sepse në rrugë kryesore shkaktohet telashe në mosfunksionit të institucioneve me peshë të veçantë siç është policia, zjarrfikësit, komuna, gjykata pra janë institucione të rëndësishme të veçantë. Do t'i shohim mundësitë t'a bëjmë një rrugë që shfrytëzohet për raste të tilla dhe t'i shmangem bllokimit të përkohshëm të rrugës kryesore. Faleminderit Ersekë për angazhimet që i keni kryetare e këshillit të prindërve, më vjen mirë që keni pas takim në nivel vendi me kryetarët e këshillave të prindërve të komunave të republikës së Kosovës dhe më vjen mirë që keni nisë një vazhdë të takimeve nëpër të gjitha shkollat, sepse ky rol është shumë i vlefshëm në funksionimin më të mirë të të gjithë procesit edukativo-arsimorë në komunën tonë.

Lagjia në errësirë, Lendrit Qeli është shef i zyrës komunale për komunitete dhe kthim statusi i tij është gati si status i drejtorit, është i zgjedhur me konkurs dhe është shërbyes civil. Adresa e parë e komunikimit dhe e paraqitjes së problemeve është zyra komunale për komunitete në këtë rast Lendriti si shef i zyrës. Por natyrisht që për këtë problem kemi dëgjuar, aty ka problem me siguresa të cilat vijnë nganjëherë si rezultat i mbingarkesës, nganjëherë si rezultat kur dikush e prek siguresën dhe e ndal rrymën për të gjithë lagjen. Kompaninë për mirëmbajtjen e ndriçimit publik e kemi ftuar të vijnë, nuk më vjen turp të them që ne kemi vështirësi si komunë për shkak të rritjes së çmimeve dhe kontratat që i kemi nënshkruar më herët përballemi me hezitime të kompanitë, megjithatë kompania vjen dhe do t'i zgjidh problemet me mirëmbajtje dhe me instalim të ri të ndriçimit publik aty ku nuk kemi. Sa i përket problemeve tjera që lidhen me siguri në lagje, iu kisha lutur të adresoheni te policia e Kosovës. Qështjet e rendit publik, qetësisë publike, keqbërësve, kundërvajtjeve, veprave penale, institucionet për këtë arsye i kemi aktive në këtë drejtim.

Kemi filluar dhe vazhdojmë aksionin për lirimin e hapësirave publike, trotuareve, lirimin e hapësirave publike nga uzurpimet arbitrare, kemi edhe shembuj konkret të aksioneve të inspektoratit të komunës në bashkëpunim me policinë e stacionit në Rahovec. Jemi duke bërë përpjekje për lirimin e trotuareve duke moslejuar ekspozimin e mallrave ushqimore pranë dyqaneve, ka një përmirësim të dukshëm të situatës dhe njëkohësisht ka tentativë për ekspozim në forma të ndryshme në menyrë të paligjshme mallrat ushqimore pranë dyqaneve. Ky aksion dhe aksionet e tjera do të vazhdojnë dhe do të jetë më intenzivë. Jam i lumtur që së paku e kemi pastruar një hapësirë që nuk i ka dhënë shije të mirë qytetit, ajo te stacioni i autobusëve.

Do të kemi veprime të tilla posaçërisht në Krushë të Madhe, në Xërxe, në Ratkoc dhe kudo tjetër nëse në shënimet tona zyrtare del që është uzurpim ose keqshfrytëzim të paligjshëm. Sa i përket situatës së sigurisë në përgjithësi kemi pas ankesa edhe për qentë endacak si dhe për funksionalizimin e plotë të kamerave të sigurisë dhe shtimin e pajisjeve të kësaj natyre dhe besoj që dita e ditës qëndrueshmëria e situatës së sigurisë po vjen duke u rritur dhe stabiliteti i saj do të ndihmohet nga qytetarët, policia, kksb-ja, si dhe nga organet tjera profesionale përmes programeve të ndërgjegjësimit nëpër shkolla etj... Kalojmë në pikën e tretë se u vonuam shumë në të dytën. **3.Parapërgatitje dhe vetëdijesimi i qytetarëve për parandalimin e zjarreve gjatë sezonit verorë.**

Kujtim Dina – Faleminderit i nderuar kryetar i komunës dhe kryesues i KKS-së z.Smajl Latifi, të nderuar anëtar të këshillit komunal për siguri dhe bashkësi. Në bazë të përvojave të cilat i kemi pasur në vitet e kaluara dhe gjasave reale që mund të përballemi me temperatura të larta gjatë periudhës korrik-shtator ku mund të kemi zjarre fushore-malore në numër më të madh, ne si drejtori për mbrojtje dhe shpëtim i kemi bërë të gjitha përgatitjet e nevojshme sa i përket mjeteve dhe pajisjeve teknike për intervenim. Në gjendje gatishmërie i kemi pesë kamionë për zjarrfikje, tre automjete tjera për intervenim si dhe paisje tjera të nevojshme për punë. Në rast të ngritjes së gatishmërisë emergjente dhe shpalljes së mobilizimit nga ana e kryetarit të komunës për njësinë profesionale të zjarrfikjes dhe shpëtimit, atëherë do të kujdestarojmë me dy ndërrime nga 24orë vetëm që të jemi më efikas dhe t'i përgjigjemi thirrjes së qytetarëve. Në bashkëpunim me drejtorinë e bujqësisë do e rrisim kontrollën në sipërfaqe të pyjeve që i posedon komuna jonë, këtu si faktor kryesor do të ishte angazhimi i punëtorëve shtesë në terren për vëzhgim dhe parandalim të shpërthimit të zjarrit në periudhën korrik-shtator. Në kuadër të vetëdijesimit të qytetarëve për parandalimin e zjarreve fushore-malore dhe çdo lloj tjetër të zjarrit, si çdo vit tjetër edhe këtë vit do të kemi fushatë sensibilizuese ku do të shpërndajmë fletushka nëpër të gjitha shkollat fillore dhe të mesme, në zyret e vendit dhe në vendet më të frekuentuara nga qytetarët, këto fletushka shpjegojnë mënyrën se si të parandalojmë përhapjen e zjarrit si dhe mënyrën e lehtë të fikjes së zjarrit në rast se zjarri është me përmasa të vogla. Apelojmë te qytetarët e komunës së Rahovecit që në këtë kohë mos të shkaktojnë zjarre në ambiente të hapura duke i ndezur hamullet, stërnishtet në fushë dhe duke u bërë shkaktarë të përhapjes së zjarreve në pyje dhe shtëpi. Kisha pas një kërkesë për të gjithë ju, si anëtarë të këshillit që jeni ta shfrytëzoni autoritetin e juaj që të apeloni në shoqëri të mos kemi zjarrvënie të qëllimshme. Faleminderit.

Fazli Morina – deshta të nderlidhem me pyetjen paraprake për ndriçimin publik dhe për kamerat e sigurisë. Sa për njoftimin tuaj të gjitha kamerat që janë nën kompetencën tonë janë funksionale kudo çoftë që janë të instaluar edhe pse ndriçim nuk ka.

Kryetari – D.m.th i kemi disa kamera që shihet edhe pa ndriçim publik, por ne jemi të interesuar edhe për ndriçim publik, faleminderit komandant. Pra, meqenëse jemi në prag ku rreziku i zjarreve është më i madh, besoj që drejtori për mbrojtje dhe shpëtim apo njësia e zjarrfikësve ka pajisje dhe përgatitje të mjaftueshme për përballje me zjarre. Shpresoj që qytetarët e kanë kuptuar që një zjarr i ndezur qëllimshëm është dëm për gjithë ne, në bashkëpunim me drejtorinë, njësinë e zjarrfikësve dhe policinë do të përpiqemi të përballemi me këtë situatë në mënyrë më të suksesshme të mundshme, uroj të mos kemi zjarre. Kalojmë në pikën katër: **4. Identifikimi i qështjeve problematike që ndikojnë në sigurinë publike ndëretnike**, besoj që ka një mori angazhimesh dhe aktiviteteve që na mundësojnë që të ndihemi një komunë pa probleme, ndoshta edhe pa patur nevojë fare t'i diskutojmë raportet ndëretnike. Policia e Kosovës, komuna jonë dhe organet tjera, por edhe KKS-ja duhet të punojmë që mos të jetë fare temë diskutimi qështja e sigurisë publike dhe rrafshit të marrëdhënieve ndëretnike. Kemi mjaftë vepra dhe kapitale të cilat zhvillohen në një lagje ku ka qytetarë të përzier nga pikëpamja etnike, qoftë kanalizim të ujërave të zeza, rrugica, ndriçim publik, vendosjen e kamerave të sigurisë, por edhe aktivitete tjera të cilat na ndihmojmë që mos të kemi situatë ku mund të kemi keqshfrytëzim nga dikush për qëllime jo të mira. Lendritin e kisha lutur të identifikoj ndonjë qështje problematike, ose ndonjë projekt që kishte ndikuar në forcimin e sigurisë publike në raportin ndëretnik.

Lendrit Qeli – Faleminderit kryetar, të nderuar të pranishëm. Përpos asaj që u tha nuk kisha dashur të shtoj më shumë. I kisha veçuar dy projekte në komunën e Rahovecit me të cilat do të kontribuojmë në

qështjen për të cilën po flasim në kuadër të pikës të rendit të ditës, janë dy projekte për të cilën e falënderoj edhe Vjollcën të cilën po e shoh këtu, që do t'i kontribuojmë shoqërisë multietnike në komunën tonë. Komuna e Rahovecit njihet një ndër komunat ku harmonia ndëretnike është në nivelin më të mirë të mundshëm dhe çdo ditë marrim lëvdata në këtë drejtim, kjo falë bashkëpunimit të mrekullueshëm me të gjitha institucionet. Sa i përket këtyre dy projekteve, është një projekt që mbështetet prej komisionit europian në implementim të "Carry international" dhe "SHL Kosova" në të cilën përfshihet edhe pjesëtarët e komuniteteve joshumicë dhe komuniteteve të tjera me qëllim të socializimit të tyre dhe në zbutjen e paragjytimeve në mes vete dhe në të njëjtën kohë të forcojë mundësinë e punësimit përmes punës praktike dhe aktiviteteve tjera që kontibojnë në fushën e rinisë. Projekti i dytë "Made for you" i mbështetur nga ambasada japoneze në bashkëpunim me ministrinë e administrimit të pushtetit lokal dhe bashkëpunëtorëve tjerë, parasheh që të ketë projekte të tilla të ngjajshme për forcimin ndëretnik për komunitete që ne në këtë rast kemi zgjedhur shkollën "Gëzim Hamza- piktori" në bashkëpunim me drejtorin do të shohim mundësinë e mbështetjes së sallës së sporteve ku do të shfrytëzohet prej të gjitha komuniteteve që jetojnë aty dhe besoj që është prej shkollave më të përshtatshme për shkak se janë afër të gjitha komunitetet joshumicë, përfshirë edhe komunitetin shumicë. Ndërsa për pikat tjera, kryetar nëse më lejohet; me të marrë informacionin që i kemi sa i përket ndriçimit publik në lagjen e epërme në fshatin Hoçë një pjesë, kemi informacione që njësi janë duke punuar në këtë drejtim, ndërsa sa i përket pjesës së epërme, çuditërisht kryetar, sa herë të intervenojmë aty kedsa ka punime për të cilat as nuk ka përgjigjet me emaila e as me telefonata, fatkeqësia është se aty kemi pas edhe mbështetje të donatorëve të tjerë, në këtë rast nga IOM, pothuajse sa i kemi vendosë brenda javës kedsa ka pas punime. Pra, kjo është ajo përgjigja që e kam për detyrim pjesëtarëve të komunitetit tim t'iu shpjegoj në këtë formë që me qenë sa më i kuptueshëm. Sa i përket qendrës, që jemi duket provuar t'a shtojmë edhe një në shkollën e epërme "Gëzim Hamza- piktori" ka kryesisht për qëllim forcimin e gjendjes së komuniteteve romë, ashkalinjë, egjiptian në mënyrë që mos të mbesim mbrapa me procesin dhe nuk kemi për koncept t'i gheitoizojmë këta pjestarë të komunitetit të shkollohen veçmas, qëllimi është t'a rrisim performancën e tyre, në mënyrë që në të ardhmen ata të trajtohen në mënyrë të barabartë. Faleminderit shumë.

Kryetari – Faleminderit shumë Lendrit, zyra komunale për komunitete dhe kthim dhe cilido prej jush mund t'i adresoheni edhe kryetarit të komunës që është edhe kryesues i KKSB-së për identifikimin e ndonjë aktiviteti që mund të zhvillohet dhe që mund të ndikoj në begatimin e argumenteve për siguri edhe më të madhe publike ndërmjet qytetarëve që e kemi obligim t'i trajtojmë barabartë. Meqenëse po hyjmë në sezonën e verës, mund të identifikoni ndonjë lojë (turne: futboll, volejbol) në bashkëpunim me OSBE-në e cila gjithmonë është e gatshme që i falënderoj shumë për angazhim dhe të cilët po e përcjellin këtë seancë tani Muhamet dhe Mati. Faleminderit shumë. Këtu nuk ka ide për racizëm siç thotë Bujari, sepse këto gjëra i kemi kaluar bukur që disa vite dhe nuk ka praktikë, mund të ketë raste periferike edhe pa qëllim. Por ndaj racizmit, terrorizmit, ekstremizmit që i bëjnë dëm vendit dhe që acarojnë raporte duke krijuar situata anarkike është normale që ne jemi kundër, unë jam i pari që jam kundër prej çfarëdo tentative t'i ndajmë njerëzit në grupe, zona dhe përkatësi. Republika e Kosovës me kushtetutë dhe ligjet e veta ka krijuar një situatë shumë të volitshme për pakicat në Kosovë që vështirë t'i ketë këtë më të rregulluara ndonjë vend në botë. Unë i kam parimet dhe praktikën e mia të punës, problemet të cilat zyra komunale për komunitete dhe kthim t'i kthej, unë nuk shkeli mbi zyrën sepse ajo është zyrë e komunës së Rahovecit, prandaj ju lutem problemet që nuk mund t'i zgjidhni me zyrë, ejani me Lendritin takohemi edhe me drejtorët e drejtorive etj... Po adresë jashtëzakonisht serioze e keni adresën zyrën komunale për komunitete dhe kthim, në këtë rast shefi i kësaj është edhe pjesë e këtij organi i miratuar nga kuvendi i komunës. Nuk t'a jap fjalën Egzon, mos nxirr konkluzë, ulu një herë dhe dëgjoni, të lutem mos bën komente se unë personalisht të kam sponsorizuar të jesh anëtar i KKSB-së sepse e kemi kuptuar që kemi nevojë për përfaqësim shtesë, kriteri është mbledhja e nënshkrimeve dhe kemi lobuar i kemi thënë atyre që jepjani nënshkrimet Egzonit, asnjë keqkuptim nuk duhet të keni, sepse nuk e kryeni rolin e përfaqësuesit nëse nuk komunikoni si duhet me zyrën komunale për komunitete. Të lutem mos më ndërhy, nuk jemi duke folur në "han të kaçit" këtu, kur ta jap fjalën e merr dhe kurr mos ndërhy deri në momentin që ta jap fjalën sepse jam kryetar i komunës dhe kryesues. Disiplina institucionale është kjo në qoftëse nuk të

pëlqen mundesh me lëshu sallën, të qes jashtë sepse këtu nuk jemi në lagje por në institucion, a e kupton? Nuk e merr fjalën deri në momentin që ta jap, e tash merre fjalën dhe kujdes çka po flet!

Egzon Hamza – Desha të falënderoj që u prezantove sa i përket ndriçimit publik, të kemi pak mirëkuptim z. kryetar, sepse kjo i bie si ofendim ndaj asaj që po flas, desha të them le të jetë pak më i sigurt, sepse i thotë qytetarëve se keku qëllimisht e ka ndalur rrymën, kontaktova me kekun: përgjigja e tyre ishte se nuk është problemi te ne, por mund të jetë siguresa. E pyeta Përparimin dhe më tha që është e vertetë që është siguresa, le të jetë pak më i drejtë dhe mos të bejë hajgare me qytetarë. Këtë dëshiroja t'a ceku dhe të falënderoj për përgjigje dhe që së shpejti do të merr masa ndaj kësaj dukurie sepse është lagje goxha e frekuentuar. Kërkoj falje nëse është kthyer pak në banalitet, patëm keqkuptime të ndërsjella. Nëse ma pranon kërkim faljen mirë, nëse jo, jam në gjendje të jap dorëheqje.

Kryetari – Faleminderit, nuk të lejoj unë ty, të merr përsipër detyra t'a vlerësosh shefin e zyrës komunale për komunitete dhe kthim, Lendrit Qelin. As ty as askënd, sepse është mekanizmi i cili ka dedikim ligjor për performancë, prandaj leni anash partitë politike në KKSBS sepse ne po flasim për siguri të qytetarëve dhe argumentet që duhet ti dijë qytetari të ndihet më i sigurt. Pse ti duhet ti besosh më shumë kedsit (operator privat) sesa shefit të zyrës komunale për komunitete dhe kthim, i cili përpqet shumë për zgjidhjen e problemeve të komuniteteve pakicë në këtë rast në lagjen e juaj, prandaj besoji atij që është zyrtar e jo atij që është privat, poashtu kedsi shpesh herë na bënë telashe në shumë situata të ndriçimit publik, na ka djegë pajisje të shumta për shkak të veprimeve të gabuara dhe si kryetar komune jam i pakënaqur me kedsin. Faleminderit shumë për kontributin prej komandantit të stacionit të policisë, OSBES-së, anëtarëve të KKSBS-së, shoqërisë civile, përfaqësues të bashkësive fetare, përfaqësues i shoqatës së afaristëve, faleminderit Lendrit, drejtorëve të pranishëm dhe mos të harrojmë edhe Skënderin që po e bënë një punë mjaftë të mirë.

Mbledhja përfundoj në ora 16.50

Procesmbajtësi

 Agim Hoti

